

HEMOLAX FILM-COATED TABLET

Diosmin/Hesperidin (450mg/50mg)

Apa yang terdapat dalam risalah ini

1. Apakah kegunaan Diosmin 500
2. Bagaimana Diosmin 500 berfungsi
3. Sebelum mengambil Diosmin 500
4. Cara menggunakan Diosmin 500
5. Semasa menggunakan Diosmin 500
6. Kesan-kesan sampingan
7. Cara Penyimpanan dan Pelupusan Diosmin 500
8. Maklumat lanjut
9. Pengilang and Pemegang Pendaftaran Produk
10. Tarikh Kemaskini RiMUP

Apakah kegunaan Diosmin 500

Digunakan untuk merawat gejala dan tanda-tanda penyakit vena kronik (kaki bengkak, kekejangan pada waktu awal pagi, dan rawatan untuk penyakit hemorrhoidal kronik).

Bagaimana Diosmin 500 berfungsi

Ubat ini menguatkan urat dengan meningkatkan nada vena, dan melindungi saluran darah kecil.

Sebelum mengambil Diosmin 500

-Bila tidak boleh mengambil

Jangan gunakan tablet Diosmin 500:

- Jika anda alah (hipersensitif) kepada *Micronized purified flavonoid fraction* atau mana-mana bahan lain yang terkandung dalam tablet.

Jangan gunakan pada kanak-kanak di bawah umur 18 tahun melainkan jika dinasihatkan oleh doktor anda.

-Sebelum anda mula mengambil

Minta nasihat doktor atau ahli farmasi anda sebelum mengambil ubat ini.

Mengandung dan menyusukan anak: Sekiranya anda hamil, merancang untuk mengandung, atau menyusui, minta nasihat doktor atau ahli farmasi anda sebelum mengambil ubat ini.

-Jika mengambil ubat-ubat lain

Beritahu doktor atau ahli farmasi anda jika anda sedang mengambil, baru mengambil atau mungkin mengambil ubat lain, termasuk ubat yang diperoleh tanpa preskripsi.

Cara menggunakan Diosmin 500

Sentiasa ambil Diosmin 500 sama seperti yang telah diberitahu oleh doktor atau penjaga kesihatan anda. Anda perlu menyemak dengan doktor, penjaga kesihatan atau ahli farmasi jika anda tidak pasti.

-Berapa banyak harus diambil & bila perlu diambil

Penyakit vena kronik
2 tablet sehari dalam dua dos dibahagikan, tengah hari dan petang pada waktu makan.

Serangan hemorrhoidal akut
6 tablet sehari (dibahagikan dalam 3 dos) untuk 4 hari pertama, kemudian 4 tablet sehari (dibahagikan dalam 2 doc) untuk 3 hari seterusnya.

-Berapa lama perlu diambil

Terus mengambil Diosmin 500 seperti yang diarahkan oleh doktor atau ahli farmasi anda.

-Jika terlupa mengambil

Jangan mengambil dos berganda untuk mengganti dos yang terlupa ambil.

Sekiranya anda mempunyai pertanyaan lebih lanjut mengenai penggunaan produk ini, tanya doktor atau ahli farmasi anda.

-Jika mengambil berlebihan (terlebih dos)

Sekiranya anda terlebih ambil Diosmin 500 daripada yang sepatutnya, hubungi doktor atau ahli farmasi anda segera. Gejala yang mungkin dialami dengan dos berlebihan Diosmin 500 termasuk cirit-birit, mual, sakit perut, gatal-gatal dan ruam.

Semasa menggunakan Diosmin 500

-Perkara yang perlu dilakukan

Ambil ubat anda seperti yang telah diberitahu oleh doktor anda. Beritahu semua doktor, doktor gigi dan ahli farmasi yang merawat anda bahawa anda mengambil Diosmin 500.

-Perkara yang tidak boleh dilakukan

Ubat ini dipreskripsikan untuk anda. Jangan memberikan kepada orang lain. Ia boleh membahayakan mereka,

walaupun gejala mereka sama seperti yang anda alami.

Kesan-kesan sampingan

Seperti semua ubat, ubat ini boleh menyebabkan kesan sampingan, walaupun tidak semua orang mendapatnya.

Cirit-birit, dispepsia (pencernaan sukar), loya, muntah, kolitis (radang pada usus besar), pening, sakit kepala, rasa tidak selesa, ruam, pruritus dan urticaria (reaksi alergi pada bentuk bintik merah kecil), sakit perut, edema terencil (bengkak muka, bibir dan kelopak mata), edema Quincke (bengkak muka, bibir, mulut, lidah atau tekak yang boleh menyebabkan kesukaran bernafas).

Anda boleh melaporkan sebarang kesan sampingan atau kesan advers ubat terus kepada Pusat Pemantauan Kesan Advers Ubat Kebangsaan melalui laman web npra.gov.my/ (Orang Awam Lapor Kesan Sampingan Ubat (ConSERF) atau Vaksin (AEFI)).

Cara Penyimpanan dan Pelupusan Diosmin 500

-Penyimpanan

- Tarikh luput pek ini dicetak pada kotak. Jangan gunakan pek ini selepas tarikh ini.
- Jangan simpan melebihi 30°C.
- Jauhi dari kanak-kanak.

-Pelupusan

Ubat ini tidak harus dilupuskan melalui sisa air atau sisa rumah. Tanyalah ahli farmasi bagaimana melupuskan ubat yang tidak lagi diperlukan. Langkah ini akan membantu untuk melindungi alam sekitar.

Maklumat Lanjut

-Rupa dan warna produk

Tablet Diosmin 500 berwarna kuning-coklat, tablet bersalut filem berbentuk bujur, dwicembung dan plain di kedua-dua sisi.

-Bahan-bahan kandungan

Bahan aktif:
Setiap tablet bersalut filem mengandungi:

HEMOLAX FILM-COATED TABLET

Diosmin/Hesperidin (450mg/50mg)

Micronized purified flavonoid fraction:

Diosmin 450 mg

Flavonoid hesperidin 50 mg

Bahan tidak aktif:

Microcrystalline cellulose, sodium starch glycolate, magnesium stearate, gelatin, hypromellose, macrogol 6000, talc, titanium dioxide, sodium lauryl sulfate, yellow iron oxide, red iron oxide, glycerine.

Nombor MAL

Pengilang dan Pemegang

Pendaftaran Produk

-Pengilang

STELLAPHARM J.V. CO., LTD. -
BRANCH 1

(A Joint Venture Company of Auxilto
GmbH, Germany)

No. 40 Tu Do Avenue, Vietnam-
Singapore Industrial Park, An Phu
Ward, Thuan An Town, Binh Duong
Province, Vietnam.

-Pemegang Pendaftaran Produk

Stadpharm Sdn. Bhd.

E-9-01, Oasis Square, Ara Damansara,
No. 2, Jalan PJU 1A/7A, 47301
Petaling Jaya, Selangor Darul Ehsan,
Malaysia.

Tarikh Kemaskini RiMUP

18 July 2022

Nombor Siri

NPRA (R2) 21/193